

## Ауғанстан Өтпелі Ислам Мемлекетінің Президенті Хамид Карзайдың Қазақстан Республикасына ресми сапарын дайындау және өткізу туралы

Қазақстан Республикасы Премьер-Министрінің өкімі. 2003 жылғы 4 ақпан N 16-ө

Қазақстан Республикасы мен Ауғанстан Өтпелі Ислам Мемлекетінің арасындағы екі жақты ынтымақтастықты нығайту әрі Ауғанстан Өтпелі Ислам Мемлекетінің Президенті Хамид Карзайдың Қазақстан Республикасына 2003 жылғы 11-13 ақпандағы Алматы қаласындағы ресми сапарын дайындау және өткізу жөніндегі протоколдық-ұйымдастыру іс-шараларын қамтамасыз ету мақсатында:

1. Қазақстан Республикасының Сыртқы істер министрлігі Ауғанстан Өтпелі Ислам Мемлекетінің Президенті Хамид Карзайдың Қазақстан Республикасына 2003 жылғы 11-13 ақпандағы Алматы қаласындағы ресми сапарын (бұдан әрі - сапар) дайындау және өткізу жөніндегі протоколдық-ұйымдастыру іс-шараларын қамтамасыз етсін.

2. Қазақстан Республикасы Президентінің Іс басқармасы (келісім бойынша):

қосымшага сәйкес Ауғанстан Өтпелі Ислам Мемлекеті ресми делегациясының мүшелерін орналастыру, тамақтандыру және көліктік қызмет көрсету жөніндегі қажетті шараларды қабылдастын;

2003 жылға арналған республикалық бюджетте "Ресми делегацияларға қызмет көрсету" бағдарламасы бойынша көзделген қаржаттың есебінен сапарды өткізуге арналған шығыстарды қаржыландаруды қамтамасыз етсін.

3. Қазақстан Республикасының Ішкі істер министрлігі, Қазақстан Республикасы Президентінің Күзет қызметі (келісім бойынша), Қазақстан Республикасының Ұлттық қауіпсіздік комитеті (келісім бойынша) Ауғанстан Өтпелі Ислам Мемлекеті ресми делегациясы мүшелерінің әуежайдағы, тұратын және болатын орындарындағы қауіпсіздігін, сондай-ақ жүретін бағыттары бойынша бірге жүруді қамтамасыз етсін.

4. Қазақстан Республикасының Республикалық ұланы (келісім бойынша) Ауғанстан Өтпелі Ислам Мемлекетінің Президенті Хамид Карзайды Алматы қаласының әуежайында күтіп алу және шығарып салу рәсімдеріне қатыссын.

5. Қазақстан Республикасының Көлік және коммуникациялар министрлігі тәртіппен белгіленген

Қазақстан Республикасының Қорғаныс министрлігімен бірлесіп Ауғанстан Өтпелі Ислам Мемлекеті Президентінің арнайы ұшағының Қазақстан Республикасының аумағы үстінен ұшып өтуін, Алматы қаласының әуежайына қонуын және ұшып шығуын;

Алматы қаласының әуежайында арнайы ұшаққа техникалық қызмет көрсетуді, оның тұрағын және жанармай құюды қамтамасыз етсін.

6. Қазақстан Республикасының Мәдениет, ақпарат және қоғамдық келісім министрлігі сапардың бүқаралық ақпарат құралдарында жария етілуін қамтамасыз етсін.

7. Алматы қаласының әкімі Ауғанстан Отпелі Ислам Мемлекетінің ресми делегациясын күтіп алу және шығарып салу, Алматы қаласының әуежайы мен көшелерін безендіру жөніндегі ұйымдастыру іс-шараларының орындалуын қамтамасыз етсін.

8. Осы өкімнің орындалуын бақылау Қазақстан Республикасының Сыртқы істер министрлігіне жүктелсін.

*Премьер-Министр*

Қазақстан Республикасы  
Премьер-Министрінің  
2003 жылғы 4 ақпандады  
N 16 өкіміне  
қосымша

### **Ауғанстан Отпелі Ислам Мемлекетінің ресми делегациясы мүшелерін орналастыру және оларға қызмет көрсету жөніндегі ұйымдастыру шаралары**

1. Ауғанстан Отпелі Ислам Мемлекеті ресми делегациясының мүшелерін (1+10 схемасы бойынша) Алматы қаласында "Риджент Алматы" қонақ үйіне орналастыру, тамақтандыру және оларға көліктік қызмет көрсету.

2. Қазақстан Республикасы Президентінің Күзет қызметі қызметкерлерін "Риджент Алматы" қонақ үйіне орналастыру.

3. Баспа өнімдерін (бейдждер, автокөліктеге арнайы рұқсаттамалар) дайындау.

4. Делегация басшысына - сыйлық және ресми делегация мүшелеріне кәдесыйлар сатып алу .

5. Ауғанстан Отпелі Ислам Мемлекетінің ресми делегациясын Алматы қаласының әуежайында күтіп алу және шығарып салу кезінде шай дастарханың ұйымдастыру.

6. Қазақстан Республикасының Президенті Н.Ә.Назарбаевтың атынан Ауғанстан Отпелі Ислам Мемлекетінің Президенті Х.Карзайдың күрметіне Алматы қаласында ресми қонақасы ұйымдастыру .

7. Ресми делегацияның мүшелеріне медициналық қызмет көрсету.

8. Келіссөздер өтетін залды техникалық безендіру (мемлекеттік жалаулар, гүлдер).